

四庫全書

集部

欽定四庫全書

集部

御製詩四集卷十六至十八

編修臣 初喬齡覆校

總校官編修臣 程嘉謨

欽定四庫全書

御製詩四集卷十六

古今體九十一首

癸巳八

立秋

六月十九日

何處而無秋信迎山莊秋信最分明西南風至農經驗

月令占候圖云立秋補時申西南涼風至宜粟
義合秋以申時立秋而風自西南至適叶農占東北雲

歸塞字晴戲蝶花間還戀影初蛩草際已聞聲惟餘度

祝時暘若庶得岡田萬寶成

對瀑二首

偏幙練影隨風颭上下鑑光與日明却是依然落崖水
今朝忽爾作秋聲

飛峽龍挐雪浪皚等閒驚訝九天來瀑源適甫緣谷降
因識原涼脚底纔

千尺雪二首

壁峽飛流赴野塘寒山縮地置山莊坐來底識千尺雪披
處偏欣六月涼

颯颯為聲朗朗色噴花六出更何疑乘閒四疊長歌韻
心慕東坡偶效之

玉琴軒

樂山既彼數

入聲

樂水合斯蕪近物取堪喻小絃亮且廉

暗音繞階砌明影漾楣檐正是薰風候重華企仰瞻

千尺雪歌四疊舊韻

千尺雪歌四章有辛未叔前辛巳後其間已歷整十年
各寫銀牋黏壁牖流陰瞥眼迅空花逮今又復一紀加

長篇畏難弗再和豈不貽笑眉山蘇氏家言志永言喜
所素寧論下里及大叢臨流坐石試摘毫冷色寒聲皆
可悟迸珠落澗瀉潏潏觸磯倒映凝液還誰知入畫江南
境都作宜詩塞上灣大如席六月灑宜徒言看上下却
嗤太白詠燕山虛擬何若實吟把即景遣暇非憶吳蒼
巖應付趙凡夫趙凡夫與李太白幾曾至此真仙區鍊
峯萬古鼓洪鑪那復數彼山稱吾

吾家山在鄧尉西北
距寒山不遠今塞苑

山川自成真境
何必更數吳中

赴川溶溶為塞湖四疊興珠韻不殊

題綠雲樓

層疊據崇嶺乘暇試登樓始訝俯雲表旋思出樹頭界
來白微遠望去綠還稠底事頗生戀西風已報秋

水月精舍

精舍臨石壁塞湖渟壁根名之曰水月崇情寓文言偶
來每即去夜景非所論付與玻璃窓虛明恒此存別有
會心者輪匡未留痕

笠雲亭

虛亭因迴路夷變千里塞山望不窮一片閒雲飄若笠

副名端自勝吳中寒

山千尺雪之傍有笠亭儼然草笠結綾太嫩著相茲則虛亭冠於山楸

循其名而不襲其貌
差覺勝於吳下耳

閱隄

武列石城東其流本無定所喜來源微遇霖方漲
時勢頗浩過雨亦旋罄山莊聚閭閻數已十萬
為保障期以安兆姓隄根或致嚙修整隨時應
不過此補苴計欲求永亘相去聲勢剷沙嘴導流俾弗競庶免激

石怒用順赴壑性然斯實小試事半功倍刺畿南

謂永定河

及淮北

謂黃河

慙乏善治

平政聲

雨

六月二十二日

昨近秋炎又異常明知蒸溽有霖償中宵忽報油雲霽
破曉已看陣雨霽或止或零達日晚時踈時密掩山光
速旬快霽雖無礙究欲晴佳念不遑

復雨

六月二十四夜

復雨輒復愁我愁紛有故間

去聲

作非賦霖大田未潦洳

所慮漲水發怒波衝驛路軍書盼孔亟遲或誤裁務因
獸竟反噬猖獗邀隙遽初為逋逃冀繼乃狼狽助縱回

驢糧臺遮郝更險據

小金川逆酋僧格桑與小金川逆酋索諾木狼狽為奸侵吞鄰境抗拒

王師不得已命將申討去年冬攻克小金川僧格桑窘迫喙走由美卧溝竄入金川大軍進剿期於掃蕩賊巢併擒逆豎惟時命董天弼駐守底木達等寨以扼美卧溝要隘孰意僧格桑復萌逆惡於六月初一日竟從去路潛來冀佔舊巢並擾軍營後路乃董天弼庸懦無能先既退居美諾及溫福嚴飭始回底木達仍另立一小營不在官寨防守致為賊酋窺伺乘間攻破即佔據底木達布朗郭宗兩寨並煽惑降番復叛搶奪八卦岡料多一路糧臺援截木果木後路逆酋罪大惡極實為覆載所不容而董天弼之玩懦貽誤亦死有餘辜矣思之

深功
憤適

還軍有差跌懦卒散羣驚致失我賢臣痛惜言難

諭

先是溫福接劉秉恬札知賊番侵擾糧臺之信即派參贊海蘭察統兵馳赴劉秉恬處援勦藉以無虞不

期初十日早賊竟侵至木果木山後而防駐之德爾森係毫無措置以致失守賊遂竄入溫福軍營綠營兵眾見賊先驚倉黃潰散僅存滿洲兵百餘溫福率以擊賊竟致受創捐軀聞信深為震悼雖加恩贈襲伯爵祠祀昭忠並賚賞助喪實不足喻我痛惜之懷耳

旗兵之未遣綠營之徒付圖省

從公議可恃忘深慮

去年春已簡派八旗兵三千備赴軍營因溫福阿桂俱奏滿洲兵一

人費至綠營三倍欲多用綠營旗兵可不發京兵遂為其言所惑不復深計因而中止設使溫福軍營賊至時有滿洲兵千餘在彼則綠營得所依恃亦不致潰竄失事是仍由溫福自誤予之輕信亦誤今悔已無及矣所

幸阿桂一路調度得宜收殘叛斷其內應復分路掩
擊殺賊四五百衆並安章谷後路臺站軍心鎮定糧儲
軍火充餘足資倚任因即命為定邊將軍並派健銳火
器營兵二千吉林黑龍江兵二千伊犁厄魯特兵一千
迅赴軍營重籌進剿
以中國威而張捷伐
追悔何嗟及聚銅大錯鑄賊計誠

益詭賊罪越難恕禁旅發精勇雪仇無返顧

天自鑒曲直我豈為窮黷

叶

兩金川之役初意並不
如兵而逆酋等敢於黨惡

逆命遂不得不加申討乃竟抗我頗行勢難中輟曲直
所在上蒼自能昭鑒並非予之有意窮兵黷武吾

誰欺欺

天乎今逆酋詭變若
此實為罪惡貫盈自速滅亡耳

勤勞遑敢辭國威要

揚布

喜晴

六月二十五日

厯辰猶細霏傍午遂大霽農功幸益佳軍營亦信通

自

濕福軍營失事之信阿桂軍報數日不至其後路科多
新橋一帶亦有賊梗阻深為懸注今早始得其十三日
所奏軍營寧貼情形乃另從章谷一路馳適者覽之始得慰懷
未然防已周先覺誅奸

細從逆盡剿滅可疑亦別置以此當噶拉安然若無事

總俟重進師應迴美諾至

阿桂一聞賊匪侵擾底木達布朗郭宗之事料其必有小

金川番人內應預為防範復偵知降番被煽從逆者多
即遣兵分路剿洗其有自金川潛至番寺者即并剿嘛
誅之並將近寨丁男移置他處收其兵器而頭人之可
疑者則羈之營中不令回寨是以當噶拉全營軍心

鎮定因諭阿桂即撤兵回至美諾城除羣賊收復底木
連等寨並擒逆豎僧格桑將小金川全境廓清駐軍以
待京兵至日另籌進剿是阿桂一軍之安所繫甚
重因由共調度有方亦實賴上天嘉祐耳未建

難收拾

嘉護感

天賜

舍粹齋

綠水青山動靜詮乾坤易簡總包全深於易者不言易
題額從窺

聖學淵

敞晴齋即景

逾月方言至敞晴却欣齋閣善循名風來林下惟披爽
日上窓前特耀晶促織當秋欲吟凜野花帶露尚含榮
雖然悶與閒雲散仍繾軍書煩緒縈

清綺書屋

棧道尋幽境高齋倚碧峯入門欣白屋當戶峙青松
圖畫張神趣詩書伴靜供今朝有餘暇稽古畧從容

繪韻樓

曦照階前花有態
籟翻林表樹無間
設云繪事貴氣韻
生動應難及此間

翠雲巖二首

滿壁綠瑣鋪斐萋
祇能騁望不能躋
邇來率懶吟雲字
今日聊因一翠題

蒼巖日照閃光晶
颯颯泠泠忽有聲
拈筆不須著文賦
歐陽先我盡其情

題鄒一桂秋花九種

梔子

休言西域赭如金
見說漢園玉作林
識得本來薝蔔面
不關形色不關心

秋葵

砌角庭心簇簇柯
漫言衛足智如何
率因心赤向陽切
便合花黃承露多

秋海棠

多向牆陰冷處生向隅獨不關芳榮即看含媚還含戚
尚似懷人一片情

牽牛

何處青牛未服箱金風七月始含涼漫言引蔓能飛遠
一水盈盈不解航

夾竹桃

桃作花頭竹作枝扶欄婀娜自離披問誰識得連昌色
祇有詩人元拾遺

玉簪

色非姚冶香非艷
仙葉天然稱鬢絲
蓬島露華晞海旭
綠鸞待欲曉粧時

萬壽菊

滿擎沆瀣曉曦鮮
勝彼兕觥萬壽筵
謾道姓名花譜漏
羣芳譜中無此種
增華不獨此為然

藍菊

開秋獨不喜開春
品格原應擬隱淪
莫笑後來紛變色

唐家已有面藍人

剪秋羅

花開四季足風流特剪秋羅殿几秋老去詩人留畫筆

此一桂向年所畫
存山莊始題句

空閒搜索詠從頭

詠官窰盆

官窰原出宋猶食却稱唐

俗稱此器為唐官猶食盆然
大內今已有三識為宋官窰

製也越器雖傳詠晨星久盡藏鉞釘猶見質火氣早潛光

淨水宜盆手飼獨真不當

七夕陣雨

陣雨送斜陽旋晴露月光洗車還處

去聲

暑

預日

發輒利

行裝

是日健銳營兵啓程征勦金川逆賊自朝至酉情和氣朗吉協軍占

錦樹輕含籜冰

蟾濕不涼軍書勤夜問嬾泛塞湖航

自咎

自咎用人差用人真匪易昨歲平趙拉

語為小金川

頗屢建

勲幟

木果木軍營之瀆實由溫福之失策憤輟而誤任溫福予惟引咎自責然所以用溫福者亦因其於

軍務尚曾經練此外更無可任之人當阿爾泰因循玩誤時遂命其由滇入蜀代阿爾泰統兵伊甫至軍營即

攻克巴朗拉收復達圖等處軍聲大振因即授以將軍尋與阿桂分路平定小金川屢著勲績初不料其昧於取下列於自防政績喪師遽而何勦促浸金川審語謂持久而此用人之難不誠然乎

遇險地遇險未能進我豈過責備倉卒賊逃却周防合

深計乃竟閉營門不顧夫役輩

叶溫福自進攻金川以來由攻噶爾拉移兵

昔嶺亦頗奮勉勦擊屢破賊碉而賊恃險抗拒不能即進然並未加以責備乃溫福既聞賊匪自美卧溝竄入小金川佔據底木達布朗郭宗且援及劉秉恬所駐之簇拉角克已令海蘭察等率兵往援即應自為嚴防勿使賊眾侵軼後路方是顧以山後要隘僅委之德爾森保以致荒唐貽誤賊因得直至溫福大營先劫礮局後斷水道溫福倉皇無措聖開四面營門致客民夫役數千無可依託紛紛散去使彼時收之營內為護持即備人

數又以助軍威亦無不可乃竟拒而不納既
示賊人以弱且致搖惑衆心其失算實甚矣 若輩羣奔

散綠營遂逃棄因致賊大逞禍延多將吏

時溫福營中
兵數幾及二

萬不為不多乃以調度失宜致綠旗懦卒一聞賊至且
見人夫驚散遂皆喪膽亡魂相率奔潰溫福僅攜百餘
人衝出遇賊身殞初軍營報至方惜其為國捐軀予以
一等伯爵世襲罔替繼知其潰敗之由並據富勒渾等
查奏文武大小各員多至數十人而將弁兵丁之未出
者又三十餘人實皆溫福一人所誤使其身尚存罪在
不赦豈可復膺五等之封因降旨削除伯爵然猶念其
殲於王事仍交部照例議卹使旌罰各不相掩其陣亡
文武則特勅優卹之褒忠之典雖施而其中若提督馬
全牛天畀副都統巴朗阿爾素納等並出力有用之材
為之嗟悼不置且同時陷 挫跌似此無憤報刻難置
沒如許之多尤為心惻耳

國

百餘年用兵多矣從無似此失挫者總因營中無滿洲
兵以致債事若此亦由溫福阿桂倡議不用旗兵所誤
予亦誤信其言今悔已無及惟有調派八旗勁旅及各
省銳兵數萬並簡曾經立功之大臣等帶往與阿桂另
籌進剿以期所向克捷擇穴擒渠庶洩神人之憤且慰
死事者之心而予不得已而用兵之衷與今日難以中
止之勢則宣示中外俾眾共喻焉

旗兵悔未用事後羞稱智

散悶

散悶秋山靄靄光嘉陰深處逐風涼澗泉隱現曾無定
塞苑寒暄自有常鹿漸增肥毛已澤蛩將互鬪帶先揚
邇來把筆艱佳句捨此更奚解懣腸

夜雨

七月十四日

收雲晴七夕來復雨中宵侵枕微涼送隔窻清響招被
畦滋葉菜潤畝茂花蔕既渥無須滯時腸盼詰朝

中元日放河燈

破曉猶微雨歷辰遂快晴秋巖歛氛翳露樹閃光晶依
例河燈放稱心塞景清所欣寧在此時若慶農耕

觀稼

夏秋腸雨幸調勻觀稼欣觀銍艾新憂切不孤勤一已

稔連差足慰羣民

昨歲各省秋收自八九分以至十分可稱大有今歲閩省已報早稻收八

分有餘山東亦報約計收成九分有餘漢省則早者收足九分晚禾亦極豐蔚其北省之直隸豫晉陝甘南省之江浙江西湖北及邊省之黔粵均經各督撫奏報雨水調勻禾穀暢茂豐稔可期撫閱山田秋稼亦全熟待獲屢綏之象實可為寰宇羣黎慶矣

祈年益勵常年志經事多成畏事人策馬山田熟滿目
有收更喜報來頻

題清舒山館

山館四時清惟秋清且舒何以知其然山蒼林漸疎雨

後涼必增風前暑早祛
騁目望則遠披襟爽有餘
惟是幾政繁未能靜讀書

學古堂口號

學古顏楮燥脚釵繹思別有會於懷
井田封建寧非古師意弗師迹乃佳

瑩心堂

青山遙映戶碧水近縈門
花錦麗非艷松濤靜不喧
江淹裴開詠樂廣傳中論
方寸常求瑩斯為出治源

隨安室

寓名隨所遇而安此日隨安良獨難向祇談經資饜飫
茲惟籌治戒盤桓一民失所政應愧必世後仁語未觀
勝地雲山

昔遊豫瞠乎仰望意遑寬

西峪

數日未曾西峪來清秋山景又殊哉霽開曦御暘乎暴
雨過林蹊靜不埃汲古翻書白駒惜消閒撫帖墨蛾陪

窓間却見石城外
銍艾黃雲遍隴堆

題有真意軒

乘閒跋馬款巖扉
真意都詮靜者機
澗水滌塵一帶統
雲岑展畫四鄰圍
鹿知熟徑尋常到
鳥惜芳陰不忍飛
笑我無能注周易
於斯息慮究精微

空翠書樓口號

開處竒觀一窓納
落來生翠四山披
恰如樓閣空中住
未可尋常物色之

夜雨

七月二
十七日

間

去聲

日不為滯霏宵真箇宜夢醒聽浙瀝夜景入希夷

林欲變黃葉蔭欣潤白粧明晨定添冷打疊衿衣披

軍報

軍報七千里十餘日馳至雖悉心裁酌彼處形又異是
在領兵者相機為進退於古有名言軍情弗遙制命

宜喜還師意因接阿桂

初木果木軍營失事海蘭察等
尚駐兵美諾與阿桂聲息可通

方翼聞其後路會勦逆賊及聞美諾亦失阿桂以孤軍
留駐當哨賊益鷓鴣張而外無策應深切憂懸雖屢勅大

臣等使續調之兵到川携以往接猶恐遠不及事計惟
宜喜軍營距當嘴稍近因迭諭豐昇額等速統兵擇路
赴持重弗肯還詳陳彼地勢阿桂亦已出而無意外事

據險圖再進

先因以勦底未達布朗郭宗之事命豐昇
額督兵赴大板昭斷賊歸路既乃命其往

援阿桂及豐昇額接奉赴勦大板昭之音已聞美諾失
守因計議謂去亦無益且恐倉猝移營軍儲不暇保護
並致輝斯甲布土司窺伺生心設有疎虞後圖難繼奏
請仍駐宜喜以資控馭迨奉往援當嘴之音又以巴得
阿桂信復申前說豐昇額後次奏措未至而阿桂已奏
自當嘴全師而出退據翁古爾壘為再進計且於卡城
至庫谷嚴密國防
余懷始得稍慰
兩路均吉利視若違吾肯寶乃合吾

意

當此軍書絡繹宵行運籌每有所見輒為隨宜指示
然郵亟馳往最速亦旬餘始達軍事移步換形況料

敵於六七十里以外豈能必其始終不棄往往有傳諭
甫數日續接奏又復迴不相侔深慮其以拘泥貽誤政
有似違旨而不當事機似違旨而深合吾意者惟在將
軍等之臨事斟酌不意豈昇頗舒常初膺委任竟見及
此深為
嘉慰
有臣而若此實為國之瑞溫福吾舊臣債轅翻

禍致一慶一以慙憤懣刻弗置勁旅簡重征

溫福之失
固因不得

人心而又漫無措置然實由時議不用滿洲兵致為綠
營懦卒所悞今簡派健銳火器兩營及吉林索倫勁旅
剿陝駐防精兵造起軍營
以期整旅復進迅滅金川
勦逆洗深愧
阿桂奏現今馳
赴日隆一帶整
頓舊兵籌度收復小金川仍分西南兩路進剿之事並
酌定分勒金川進兵道路志在必掃賊巢務擒逆首誅
磔以雪憤恨因舉軍營重務患以委之並擇順治年間
愛星阿所佩征綬得勝之定西將軍印授之佇望早馳

搜
秦衆正

天助順大舉期功遂

題馬麟溪山行旅圖

關山連秋仲旅客問程時焦墨含蕭颯層峯益與奇遵

途據蹇跛望瀑坐屈屨世學無些欠豈誠遠所為

陳善
杭州

志稱馬麟遠乎能世家學然不逮父遠多以已畫上題
作麟畫蓋欲麟得譽此頓未稔真麟筆耶仰遠所為耶

和闌玉鏤東坡前後赤壁賦圖

明月清風壬戌秋相携孜孜汲

二客姓任孜孜汲
其名見東坡集

泛輕舟玉

經土浸成赤壁那計黃州與潤州

向曾辨和闐玉有經土浸成黃赤色者非必盡如漢
玉出佳城也此圖玉工就赤色處琢為辟形益見巧
思又東坡遊赤壁實在黃州今潤州金山寺石刻大
江東去詞蓋屬附會云

右前赤壁

攝衣千仞步峻嶒風月驚殊昔日曾莫謂曲高和者寡
山鳴谷應豈非朋

右後赤壁

再題創得齋

松下山齋倚翠嶠，弗頻至以棧蹊遙。小遊適喜仲秋暇，

歷數因過十九橋。

自瀑源口至此溪谷縈紆凡過十九橋

咫尺懸居開月

宇，次寂蕭景繪晴寮。西成有望軍心定，

今歲各省奏報約計秋收分數

均在八九分以上，可慶屢豐而軍營自阿桂全師退駐翁古爾壘，豐昇額仍註宜喜軍心大定，只俟新兵續到為收復小金川及

進勦金川之舉

畧得閒情韻句調

過東嶺復至梅檀林

自西而升嶺為東自東而登嶺為西乃知東西非定物
借問莊生何以齊山齋創得已嶺半再進殊不勞攀躋
遂由西升向東降梅檀林淨如我篋調御丈夫坐靜室
一切分別忘筌蹄斯而詹詹仍有詠其於道也誠醯雞

天籟書屋

階前大壑深窓外萬峯森紫翠渾難定倪黃孰解臨秋
光真有腳天籟不凡音畫景收無盡奚稱項墨林

日影

日影上窓疏秋中景颯如即茲閱倏忽何以惜居諸綠
樹紅將染涼軒熱早祛消閒增別譔撫帖考遺書

露光

玉露契金秋日增日以稠為霜猶遲去聲結見覲忽傾流

大小驪珠閃輝煌火齊浮銅仙隨處是漢武笑迂謀

詠白鷹

土爾扈特貝子錫喇扣肯所進

歸順重來入覲班

錫喇扣肯前歲隨渥巴錫等至山莊朝謁今歲復請偕年班台吉博爾哈

什哈等

白鷹為獻擎

去聲

絳環素翹圖瑞石禽表竦翮凌

虛萬里間班史休誇一雉賦周王或異四狼還懷柔西北

猷粗具戢靖金川計正艱

西陲北庭拓地二萬餘里異域歸誠耕屯相望為史冊所

罕觀而金川以叢爾偏隅征討兩年未克茲復增兵易將另籌攻勦務期掃穴擒渠然制勝之策誠非易

耳圖

題澄觀齋

心與物皆澄書堂觀恰應足今忘芥蕙那更較溜澠潦
盡潭呈底林稀峯露層三言

惠迪吉

堂顏惠迪吉三字
皇祖御筆也

舉要示雲仍

恭奉

皇太后遊獅子園

石棧雲遠不藉尋

邱居

安輦奉來臨

萬年恒侍

慈顏豫此地益增孺慕心曲澗清音繞砌下雄峯翠影

落庭陰御園疊石勞摹擬

昨歲於長春園隙地仿倪瓚獅子林之意疊石為假山構

臺榭以肖之曾題詩以紀勝茲坐對獅
峯不啻米芾臨書所謂真者在前矣

那及天然獅子

林

登屬霄樓有作

宜照齋傍聳疊甍更欣攬勝俯巖城入門得路不勞問

據坐開窓大愜情棧道歷教還七萃

是日奉 皇太后遊獅子園策馬

迴入巖城門扈從諸臣皆由城外棧道歸寓所

平原遙見駐雙旌

二吉爾丹轟於最後所以

止僕役濫行向前立法盡善

馭輕居重

垂規制百世千秋慎奉行

卷畫窓

山田千畝又逢豐

聖藻當年聯語同

千畝山田待歲豐
祖山莊中所題聯語也

皇

俯似石渠

畫展馬

馬和之詩經圖入石渠寶笈聯為真蹟
合弄學詩堂者凡十二卷幽風圖在焉移來塞

外此幽風

題吳鎮漁艇霜楓

丹楓恍似洞庭秋
蘆岸蕭蕭泊釣舟
一有機心物皆避

圖魚耳却亦驚鷗

女史陳書出海大士像用其子陳羣題句韻

屈屢宴坐貝多平天水空涵石竹清示現漫云出海像
如來如是本圓成

雨

八月十四日

通閨山田獲已均非資雨際望非頻自辰至未霑三寸
數往逮今過一句

七月二十七雨至今剛旬餘其間雖屢小雨不成分寸

玩景寂

欣連嶺霧啓程應是灑途塵

以是月十六日啓程幸木蘭

耘科悲葉

都增潤更覺歡深老圃人

題吳鎮晴江列岫卷

得勝解非積學成蕭山

名魏驥

跋語致精評長江欲共秋

空遠列岫如烘皜日晴鼎峙四家真不愧筌忘六法有
誰京溯源應近金川地邇日軍機正繾情

中秋即景

雨後中秋碧宇晴同然萬里古曾評

蘇軾詩嘗聞此宵月萬里同陰晴云

其說得自海賈驗之亦往往相合也

今年又喜值今夕玉塞由來近玉京

市上人喧瓜餅會巖間鹿和管絃聲對時底事增歡慶

綏屢欣逢萬寶成

中秋後一日啓蹕木蘭行圍之作

秋仲例蒐啓蹕應有行必

告候

居興撫遐習武斯攸繫罷彼留茲特未能溪溯石磯還
木杓農登西隴復東塍午前稅駕行宮近摹帖因之暇
几憑

山田

山田收穫畢隴畝尚棲餘盡道去年勝誠觀遍野如婦
男溫飽樂氣象里鄰舒綏屢逢望外慰哉更凜予

入柳條邊

盛京柳條邊延袤數百里木蘭柳條邊長無半里耳彼
施平地此依山每因谷口為植援事半功倍聊示禁遮

羅崇嶺原周千里如雄關

木蘭周千餘里本喀爾沁牧
漢領牛特諸部地康熙年間

其王公等以地進獻遂為圍場並非奪民之產而近省
流民至者不可不防其墾佔每於邊界依谷口植柳為
援以示限制初非申以厲禁人自
不最潛越耕收立法誠盡善也

朝家習武有常例非

牟民產奪耕地流來鴈戶反侵占不可無斯為限制春
柳青青秋柳黃入邊咫尺即圍場平原策馬小試獵非
關心喜應自強

停蹕

停蹕齊爾伯庫嶺野甸霜華如玉艷須臾東轡吐陽烏
滄滄涼涼寒始憒待圍武帳憩僕從聚衆晨餐觀健啗
椎牛大享固無藉厨人齊和聊親勘鹽梅指示頗得宜
舊藩新部胥教饜

自行營度嶺甫七里即停蹕傳餽因
賜扈從近臣及隨圍蒙古王公并入

觀之士爾庵特等朝餐以羹膾雜烹作
飯饗人調味親為指授劑和俾皆饜飫射生炙肥成牲

事

向每於園中射得肥鹿即燃松枝炙食並親割以賜庵
行近御諸臣及扎薩克王公等今不行此者四五年

矣

爾年弗為斯補欠聯情示惠有權宜欲普霑無向隅憾
饑寒戚而飽暖怡因之率可人情驗然茲小試實則易
艱哉安得寰宇萬民同此被優贍

悔過

屢宜軍中人並觀更兼聽

軍營大臣侍衛等如巴雅爾
富興齊里克齊福康安前後

至行在詢以軍中之事所言雖不盡相同而
溫福之庸妄債事則衆口如一似屬公論

口碑出輿

論蓋悲庸臣行剛愎惟自是曾不集思定策礪將及千工

作勞衆病

溫福口吃而性急每當前席奏事往往因言未能達辭氣俱悖者其於朕前尚然何況臨

下意其失不過如此今詢之知溫福剛愎躁妄自以為是參贊以下並不虛衷集議即言亦不見聽動輒盛氣凌人以致衆皆解體即如溫福於營中築礪卡令軍士搬運木石工作無時人多疲乏亦取怨之一端也兵

多分乃少攻勤翻鮮勝

溫福軍營兵衆幾二萬乃以萬餘兵散列及十卡兵本多而分

之使少遂致勢渙力單盡歸無用實為失算又每隔數日即派兵撲剿不計地勢險易攻勦之能制勝與否騷令輕冒鎗石惟藉以為奏事塞責之具每次士卒傷亡數十而所殺賊不及其半以此兵心愈失然事前實不能知其乖張若此也每晚虛施礪不惜火藥罄是皆軍所忌溫福

蹈之併以致賊邊隙情渙羣逃迸然此將半載不知寶
我憐自古信將帥謗篋有弗證既已付之權豈宜設伺
偵孰謂致債事悔過徒慙忼觀過或知仁解嘲聊有詠

行圍偶詠

飛騎藍旗谷響宣

撒圍時兩翼俱以藍旗為首每翼數
騎擁轟飛馳謂之跑烏圍哩將至看

喊喧呼瑪喇
哈則圍合矣

彌縫兩翼拱中權待煦以出笑茲日視地

而馳慙昔年時亦擇肥能命中無非示衆弗忘前細思
頗合為君道不息自強曰體乾

寶吉驕

土爾扈特親王策伯克多爾濟所進色爾克斯
處馬也色爾克斯為洪豁爾所屬界隣俄羅斯
土爾扈特歸順時攜以來者貢至天閑調習經
歲茲御以行國性果馴良因錫之名并成是什

歸順新藩貢異驄遠於哈薩路難通

向稱哈薩克產良馬難得今其部長

貢獻及以帛市易善者充相天閑不為希觀若色爾克斯之地更在哈薩克西北從未通中國故名馬遠徠尤

為難得云本殊漢帝貳師取寧數周王八駿同教育天閑觀

驥德竟如土產備車攻題詞自是表誠恪曰示懷柔祇
愧表

左傳韓之戰謂晉乘鄭小駟慶鄭曰古者大事必乘
其產生其水土而知其人心安其教誨而服習其道
惟所納之無不如志今乘異產以從戎事將必悔之
弗聽晉戎馬還潯而止其言既不東道且不知馬無
足取也夫晉秦戰於韓原其曲在晉取敗固宜豈由
鄭駟之愆事况良馬每產於西北冀北多馬至今尚

然他省不能不取給於此而天馬之徠西極更以遠
道為佳不聞見疑於異產至於調良馴習惟視乎馭
馬之人而不繫乎產馬之地故周官教駢攻駒亦止
言其齒力性習而不言物土之宜也若必乘其所產
非持東南無馬不足以供驅策即齊豫諸境偶得一
二土馬亦豈及蒙古馬大宛馬之適用乎左氏止圖
暢厥辭而不揆其當於理此浮夸之所以見譏也因
用其語輒為訂正之

過卜克達坂再疊前韻

已卯庚辰均嶺度

達坂漢語謂嶺也

入園出哨必途尋

已卯由北出哨

庚辰則入園

向欣吉協三軍戢茲盼貞符二豎擒

已卯過北有貞符如

卜克願即逸佳音之句迴鑒未逾月捷報即至西師之功遂戢茲進勦兩金川惟冀擒索諾木僧格桑二逆豎亦如前此之欲苟容翻致悖德不能已那惜勞心

兩逆苗均

以內地土司敢於負恩反噬且於木果木軍營戕害將軍將領實堪切齒除屏罪致討之外更無可言而賊番等恃險抗拒攻之亦殊不易然又不

減園冀早山莊到

驛騎封函預遞音

未歡於重九日迴驛山莊茲減省一圓即可早到一日問

聖母安並以此

情令御前侍
衛馳解先奏

濟爾哈朗圖行宮作

巖館枕烟郊獵還駐翠旂詎寧容膝愜那免暢懷嘲白
髮存公道蒼山是故交巒楓盡紅葉庭柳尚青梢歐氏
書畫舫邵家安樂巢

衆古語濟爾哈朗圖
即漢語安樂所也

芸編如有語

慙愧四年拋

未由此處行
者蓋四年矣

木蘭迴蹕至避暑山莊恭問

皇太后安喜而成什

向北園程又一周歸來

安適敬咨諏日增

食履天同健景獻園林

時豫遊六十幕希五十幕八千秋祝萬千秋年年如是
申忱忭不覺其間隙影流

河南巡撫何燭奏報正陽等四縣被灾降旨加意
撫卹並誌以詩

秋成早報十分論風水為灾再乞恩

先是何燭奏報約計豫省秋成分數

均在九分以上且有至十分者茲據奏正陽確山二縣
七月下旬猝被大風稻田傷損而淅川內鄉二縣亦於
七月間山水陡發潁河村庄田廬被淹計各成災地畝
雖不過一隅中之一隅而閭閻究未免拮据不敢因已
報豐收將實在情形墾於上聞謹就被水被風之輕重
請分別蠲賑緩征以副德意云云何燭此奏可謂能體
朕心深知政體照所請降旨如恩期不致一夫失所
體我愛民有如是嘉伊知政
更何言畧輕稍重各籌酌優賑緩徵均撫存申命有司
勤審察索教惠澤遍窮村

熱河迴蹕至喀喇河屯行宮即事

麗正門前送

鳳輿候程饒此數朝居

皇太后安輿纓行並駐小行宮於二十一日至石槽行宮

朕於十六日啓程亦於二十一日至石槽行宮同安於二十二日同至御園以小行宮不能容多人駐宿

依去年例也 今晨適返六飛矣四月恰消一瞬如背指雲莊

虛擬外前覘秋野飽收餘黑城

喀喇河也即漠語黑城也

計里由旬

近暖日欣明點筆疏

入古北口

秋暖竟殊常

今歲閏月後節氣率早而秋暖較往年尤長

入關更向陽連看

樹增綠

關外樹尚綠而關內則綠更濃

無礙草微黃官吏紛迎接村莊

富蓋藏翻犁種秋麥一歲總農忙

雨

九月二十日

晚雲同色暗亭皋謂雪因暄却雨遭夜靜行宮聽浙瀝
曉征驛路冒蕭騷霜耘秋麥都增潤漸石涉波誰歎勞
暮秋之雨不至如六七月行潦況又值回耘
盼家心切並且忘其勞苦此乃人情之常 午霽憑輿
直北望畿校玉積遠峯高

恭奉

皇太后迴蹕至御園作

去當夏仲返深秋

八袞慈顏奉豫遊於古稀聞今幸遇養

親惟敬我何求籌農厯覽因稍慰勦逆全機正在謀無
處不塵勅幾政鮮曾後樂祇先憂

孟冬時饗

太廟禮成有述

齋宿舉

冬裡躬承追慕申辦香均致炷

去歲裕祭例自
位上香畢述至

中列

祖列宗前上香往返八度慮涉瀆襲且步履亦太多因更定儀注親詣中位餘命誠親王率皇子等

各分上香並孟冬時饗祇因五位同堂仍依舊例均親詣上香所謂禮以義起且均致思慕之忱清

酒惜三陳宗室濟蹠助明庭禮樂彬告成更頒朔律協

海西濱

今歲頒朔憲書中增歸順土爾扈特和碩特汗王等所居之地及烏里雅蘇台附近諸部凡二

十五處

題李嵩貨郎圖

肩挑重擔那辭疲奪攘兒童勞護持莫笑貨郎癡已甚

世人誰不似其癡

微雪

十月二十九日

四更醒問夜報說雪霏霏宵衣

以太公夜衣而行破明例之作去聲亦可

視層樓積素微剛欣被冬澤旋見露朝晞以慰還以惜
繼霑心益希

雪

冬至月初二日

入晚復飄雪達晨密間

去聲

踈看將盈二寸未足樂三餘

澤也目因潤惜哉心那舒不知足為過觀過或知予

長至前一日謁

壇禮畢宿齋宮即事成什

乾字敬升香齋宮右路傍肅虔承

大祀安靜養微陽

神緯欽元化淵衷對

昊蒼明窻烘旭暖晷短影方長

冬至日

南郊大祀禮成述事

躬承大禮陟

壇園拾級攝齊卅八年虔

祀一陽迴黍谷顒祈三捷定金川險夷徒彼地利恃曲

直端茲

天鑒懋奠獻趨蹌幸歲事益惟惕若更欣然

將軍阿桂副將軍明亮奏報攻獲賊碉戰勝各情

形詩以誌事

討罪復仇重整師羽林黑水簡熊羆到齊甫報發征肅

自蜀欣看至捷旗

征勦兩金川以來僅調派各省綠營兵而滿洲勁旅於選定之後因溫福

阿柱奏止遂未發往以致事不足恃茲整兵再進宜籌
萬全因簡健銳火器兩營兵二千並吉林黑龍江兵各
二千按隊遣進於十月中俱已入川昨阿柱奏派兵分
路並進於十月二十七日啟程並與明亮相訂均於二
十九日同時進兵收復小金川而兩將西路兩朝據鄂
軍隨馳報並報捷皆十一月朔日所奏也
什阿柱在西路統兵又派海蘭察富興成德積福成果
等同侍衛衛章京共為五路領兵進剿今奏二十九日
子時諸軍迭發阿柱色布騰巴爾珠爾福康安福珠里
各路策應是日即攻克賓哩木拉斯抵普爾瑪阿喀木
雅東溝及斯達拉阿喀爾布爾額藏噶山梁色布色克
美美卡東揭色渠十一處碉卡三十日攻克阿喀木雅
山上大碉直取木蘭壩乘勢攻得鄂克什官寨賊人遁
入路頂宗兵乘銳進攻以期即克攻碉時賊眾並出力
拒守見官軍勇猛難禦所至奔竄我南軍連日克丹思
兵追擊賊賊甚多并俘獲生口二人

南路官兵以明亮統之亦為兩路以富德奎林分鎮明
亮督兵策應仍分三枝為前後聲援又令三保帶兵設
伏牽掣賊勢今奏於廿九日夜半進兵明亮即攻克得
里富德攻克河北喇嘛寺日寨繞出得里之前會兵奮
勇直取赤爾丹恩奎林亦攻克河南之得布甲所
至賊皆始拒終潰勒戮二百餘獲鎗仗火藥無算那忘

昨歲艱如彼孰謂今番迅若茲

西路之阿喀木雅美美
卡木蘭壩皆地險碣堅

昨歲政至半年之久始得南路之得里等
寨亦然今乃於兩日間攻克之實為迅速
趨拉易為原

逆料促浸如故尚遲疑

小金川省語稱趨拉而促浸則
金川番名也予向以趨拉降者

雖為僧格桑脅誘復叛今見逆酋為索諾木攜去久且
為促浸所併其眾必懷怨望而促浸尋賊代趨拉守拒
主客之勢不同斷難持久收復小金川之尚易為力早
籌度及之曾屢諭將軍等今果如所料至金川則險隘

如前於制勝之道尚無把握聞其賊首色達爾賊目丹巴沃雜爾在美諾聚賊佔據二賊皆索諾木所恃為主謀助惡若能將二人設法擒獲則賊黨剪除勦平金川之幾可得十之六七果爾予心方為稍慰惟仰賴

上蒼嘉佑並在將軍等之用力耳

衆兵鼓勇斯宜耳諸將戒盈仍訓之

此次得勝之速固由添派八旗精銳勇往直前綠營兵有所倚仗亦皆效法如勉是以所向克捷但克覺得之太易恐賊人狡計讓入深入賊或在後抄截不可不防官兵方乘勝深入自不宜使知此意惟當鼓其銳氣奮勇成功若領兵之將軍叅贊等則不可因連勝稍存矜滿必深體滿招損謙受益之訓慎之又慎方能有濟隨傳諭切戒之並命兩路將軍叅贊并查在事出力之將領弁兵交部議叙其攻戰時傷亡兵卒雖屬無多亦令查明咨賜卹獎功施次第莫遺無濫慎叅差佇當二暨

卹議卹

成擒日始得吾心畧慰怡

將軍阿桂奏報克復美諾詩以誌事

收復小金原意料似茲迅速不期中

收復小金川之易
予早逆料及之茲

據阿桂奏官軍於十一月初一二等日連克路頂宗明
郭宗諸險隘並收得別思滿兜烏八卦峒現已克復美
諾駐守其地計自二十九日進兵以來不
過五晝夜即已集事實不意其如此之速詎因事順或

滿志尚以賊逃未愜衷

官軍攻勦碩卡時有躍入碉牆
斬殲賊衆者有賊正奔潰追擊

殲斃者其墜仆屋墮之賊更無算並收獲礮位十餘米
百餘石噐仗乾糧亦多惟小金川賊目七圍安都爾聞
官兵已上山梁即棄美諾而去自必仍竄入金川渠魁
未及就擒實為可惜是以雖聞捷音不以為喜並諭將

軍等勿以事順自滿即宜乘勝連行分路進剿
促浸以期制勝此次出力將士仍飭部議叙
獎績並

教予優叙乘機還勵奏膚功先聲討逆軍威振諒彼遊

魂計亦窮

將軍阿桂奏報收復小金川全境詩以誌事

事之將難上峻山事之將易下順水旬日全定小金川

幅員五百有餘里

自十一月十四日接阿桂美諾捷報後十九日復據奏海蘭察由別思滿

一路於初三日直壓帛嘴爾角克取岱都喇嘛寺陟攻克布朗郭宗底木達復糧約四千餘斛其明亮等所勦之河北河南各寨落以次攻獲二十三日又據奏小金川拔三等侍衛銜木塔爾報稱大板胎馬爾當曾頭溝

各寨番人俱懇請投降降其汗牛各寨番民亦各投順並
聲叙從前不敢附賊之語自初二等日攻取明郭宗
各寨至此收復小金川全境僅及旬日實為迅速其自美
諾經底木連至大板昭計程二百四五十里而自美諾
由南路至汗牛一帶
迴思六月債事時猖獗賊亦迅若
程速亦約畧相同

此一朝失亦一朝得

天道好還原定理整兵直進討促浸雪巖險滑仍如彼
擬欲持以久困之復慮師老致委靡賈勇及鋒而用壯
以復趨拉之易朕久意料及之至進勦促浸恐未能迅
速集事因諭阿桂等訪覓妥捷之徑分兵夾攻或可易
於得手其攻噶拉當噶拉兩路只可用為牽掣賊勢若仍作
為正路恐賊人抵禦如故即待以月日或持久困守又恐師

老志懈自當乘此新勝銳氣令其賈
勇直前及鋒而用自為事半功倍
一月三捷心焉企

我非黷武願佳兵捷伐由來不得已

甲午春帖子

廿四氣之首九旬春以初元辰先七日消息復陽如

乘震執規候慎微敬始朝皇都寧媚祭風馬上丹霄

京都

以廿三日祭竈
正值其辰云

春盤春帖昌昌始

蔥福

慈齡曼曼增撫此人和復歲美益勤幾勅與永兢

除夕

數

上聲

日原成歲今年剩此宵星辰餞故節烏兔會元枵

栢子焚金鼎椒花鋪綺寮吟詩殿舊帙勤政始明朝

御製詩四集卷十六

欽定四庫全書

御製詩四集卷十七

古今體九十三首

甲午一

甲午元旦

奮軋剛欣茆茂融
元辰叶瑞沐鴻濛
千維啓運四逢始
支以乘時六起中
宵旰祇勤勵厥志
幾康安止省予躬
久而敬是宣尼訓
臨蒞遑稱歲月崇

元旦試筆

咸池浴影曙光鋪元會共球萬國趨恭已求寧撫六合
單心圖易奉三無金猊馥郁祥煙裊仙木駢羅瑞色扶
恰值貴山來侍子

恰薩克汗阿卜賚遣其子阿第勒
蘇爾琿入侍即遣歸仍厚賜之

便

教九攢式鴻臚

寰宇增年髦與倪休嘉碑隱迓鴻禔萬幾雖曰厯歲久
一敬益惟勵日躋敢譬垂衣若辰北方塵籌筆在川西
桃正首祚陳初願二豎成禽願莫稽

題錢選歲朝圖

繪圖吉語叶開年雅以風流喻別傳婀娜搽紅報春麗
郁芬梅白颺風鮮瓷餅插處間去聲天竺石盎植來惟水
仙匹鼠探壺試五技却傾瓜種兆綿綿

詠和闐雲龍玉如意

富矣和闐玉相去聲材製器良由來號如意所重足延祥

抵鵲原非幻

回部皆有鵲和闐獨無土人見必抵之謂非歲豐人和之兆其地即崑山旁走璞玉

原不甚惜乃知桓寬所論非特假喻之詞向曾著說及此為龍必有光新年徵瑞應

吾願稔農桑

元旦乾清宮家宴宗藩即席得句

琯運元辰啟環循綺甲臨本年干值午火尅兆惟金敢
以端凝久而忘敬畏心宗藩式嘉會綿瓞萬年深

盛茂俊歲朝歡讌圖即用其韻

茅檐歡讌畫中詩最後屠蘇酌滿卮
僮子闌扉燃爆竹
春聲送喜到門時

正月二日重華宮侍

皇太后宴

開年日吉復時良明炳還同月德昌

月丙寅是日丙辰漢書明炳于丙

西閭瑀輿迎繹繹青宮

華袞侍煌煌椒蕃歲實扶屏麗梅放春花合殿香

聖壽益增心益慕

膝前虔祝共

天長

命緩徵川省過兵各州縣明年錢糧詩以誌事

緩徵去歲逮今年

川省自用兵以來雖停頓供億絲毫不以累民而輓送軍儲不能不稍資民力

已節次降旨將癸巳甲午等年額賦分別蠲緩佈澤新正無可蠲賦稅預教寬

乙未

茲以小金川全境收復乘勝迅勦金川不無尚煩閭閻轉運之力因諭該督查明辦差州縣繁簡將

乙未年應徵錢糧酌量分數緩徵

兵戈連願洗金川王師討逆不得已

民莫思艱為

去聲

計全一體夷租並加惠

軍務經行之所番民有詔納夷

賦銀米貢馬者亦一體緩徵

載咨方伯善勤宣

題揚大章花鳥

鳥意輕盈花態鮮真教院體奪黃筌渡杯何處來羅漢

羅漢松

解珮惟應要水仙

水仙

雅稱檀心擎揭露

山松

似聞磬

口吐排煙

蠟梅

珊瑚百八誰穿得

天竺

付與錦雞音演禪

錦雞

命加賑陝西河南安徽江蘇等四省去歲被災州

縣詩以誌事

幅員九寓廓封提暘雨安能致適齊惟不惡

去聲

聞水旱

歉自然實告本章題去年四省灾猶報新歲十行恩可

稽陝右朝

邑

商

南

潦夏也

癸巳

秋收各省仍獲豐稔惟陝西河南安徽江蘇四省間

有偏灾雖不過一隅之微然究係歉收民情不免拮据自應特沛恩施其陝西之朝邑以河溢成灾商南以靈潦

致歉然其中較重者每縣亦不過十一二村堡耳河南浙川內鄉沔秋兮

何媚奏浙川內

鄉二縣秋間被水今二麥雖已種齊而歉收之區仍不能不藉接濟安徽速十一還贖徽安

上年春夏雨水過多其鳳陽泗州等八州縣及鳳陽等三衛麥禾俱被災較重江省惟旬衛

並獲

江蘇之被災者惟安東海州淮安等八州縣衛不免待哺其沭陽鹽城止須酌借籽糧亦高晉等所

查奏也

皆以水鄉易澇及普頒恩旨免隅帝或蠲或貸略

殊格視重視輕有異哇

四省成災之地除按分數照例蠲緩令仍視其被災輕重分別

極次貧加賑一月或酌借牛具籽糧俾資贍給

咨爾長民推惻隱敷予愷澤遍

黔黎

再題和闐玉鏤九鸛鷄小屏

良工追琢製精球義自長沙策裏求三至丁寧附五業
六端矩度示千秋九方久也未宜忽鶴喻安馬要在謀
詎此清防資悅目返躬敢不切先憂

題元人春雷報喜圖

火珠林映雪瓊梅爆竹香燃戲幼孩乘震雷聲始東發
兆春喜信自西來

題孫覺春秋經解六韻

注疏春秋充棟夥高邨作解費研磨學從安定居名第

書出臨川罷制科

周麟之跋云初王荆公欲釋春秋以行於天下而莘老之傳已出一見而

有甚心自知不復能出其右遂詆聖經而廢之曰此新
爛朝報也不列於學官不用於貢舉者積有年其說雖
未必盡然而書為
當時所重亦可見矣鑿傳鄙他相佩翮翼經嘉此

匪操戈諸公列國事悉具抑伯專王義不訛發與依然

準平正折衷要是弗偏頗邵張珍弃今歸紀

此書於宗
紹興間陽

美郎輯仕高郵時錄版耶齋楊李張頗又因其移書以
周麟之跋語附益卷末識而弃之今為翰林紀昀所藏

僅有鈔
本耳

汲古深心有足多

新正淑清院

問

安退輦向西墉春首風光已異冬祇以紫樓待華宴先
於素屋賞幽供珠垂玉綴鳴飛澗柏翠松蒼護假峯淑
氣好從清處看底須紅綠太繁穠

素尚齋

曲徑稱步延樸齋足興遺素尚我所名山莊實數典

避署

山莊中素尚齋

皇祖所題題也

塞外彼致易苑中斯逢鮮超臺金碧

輝勝朝遺蹟辨欲問錄春明二者孰為善

題千尺雪

疊詠今經歲幾旬一番興會一番新譬如春到人間世
詭石古松豈厭陳

平水冰凝掛水流戶樞不蠹義堪求體乾恰值春元始
敢作逍遙自逸謀

題韻古堂

西江古器列南臺

藏臺又謂之南臺

有暇於斯每一來考羽量

宮遜未笑闕雕麟趾緬悠哉春音正叶和而盎冰鑑猶

呈朗以皚禮樂周官因可溯其間揖讓那能陪

芸齋口號

芸齋依舊暖曦披步至翻因欲去遲不是無端耽玩景
畧思昔日讀書時

同豫軒

步輦向南移雲軒據月陂於焉斯小憩耐可引深思在
易雷出地循名象玩辭金川塵遠念勦逆正行師

鑑古堂

鑑不識妍媸妍媸由人照古不隱善惡善惡由人肖知
媸而謂妍是徒取譏誚知惡而謂善則益成顛倒叶鑑
鑑事猶假鑑古關綦要書堂一繹思瞿然勵自劬

登寶月樓

液池南岸向西巡中據瓊樓俯綺闌拾級便因登寶月
披窗恰正值韶春六街三市誠殷富物對時在拊循
設更箕疇驗卿士顯哉籲俊佐經綸

題香宸殿

冰牀過太液香床坐初春銅旭牕明暖芸編几淨陳詎
惟資博物要必始脩身佔畢少年處誰為刮目人

綺思樓

文人清麗詞華表佛語戒深口過中非是標戈依教外
細惟彼義覺誠通

蘭室口號

幾岳幽芳傍坐端無須畹畹詞叢攢不難入室與俱化
懷矣善人遇却難

長春書屋

元既貫四德春應含四季義經曰統天已示長春義書
屋此為號詎予師已意況值開韶月而適斯臨憩即境
一心會澄觀萬物備

豐澤園豐去歲韻

樸園

放勲荆菜圃稻塍兼敢不民為重而惟歲是占屢綏幸

如願

前歲各省普慶豐收昨歲秋
成又俱在十分及九分以上

四輔乃連現保泰其

難矣慶同畏共添

敦叙殿有懷

顏眉曰敦叙開宴憶同堂卅歲過電影

自丙寅賜宴後至今歲將及三十年矣

今朝仍

景光其間儘多故不覺引清傷更弗行斯典愁歌棠棣章

澄懷堂

殿後即書齋澄懷切緬懷

聖情寧有極

至訓實無涯圖史靜為用軒窓樸以佳向陽階砌處輕

綠染芳菱

紫光閣曲宴外藩即席成什

層閣紫光太液濱外藩曲宴錫昌辰禮非元會朝儀肅

情洽聯茵燕語申需雅還同筵吹奏

是宴陞座行禮奏中和韶樂賜酒時

則奏茄吹者樂以外藩等所習知也

承筐別繼列觴陳

宴後例有賞內府大臣司其事上

正三節宜行慶

是日正月三日

撫序垂衣倍敬寅

題李公麟山莊圖

龍眠居士寫龍眠三李風流究目前

李公麟居舒之龍眠山有李公寅李冲元亦龍眠人

三人志同誼合相親如兄弟同年登進士第未幾賦閒
道遠於山南山北人稱為龍眠三李見卷後葉陰禮賦小畜吉

占文德懿同人韻事畫圖傳定評況喜出宗伯

董其昌跋云宣和畫譜稱龍眠

山莊圖可以配朝川世所傳皆摹本今年遊白門一見此卷始知真龍與畫龍迥別且云伯時自畫俱用澄心堂紙足為此卷定評矣

絕構真堪匹朝川我獨白駒思雅什即今誰是樂林泉

詠芝屏八韻

故土辭山澤新屏廁几帷丹青難與繪雕琢未曾施相
則檀紫稱藉惟茅白宜質猶盈尺富歲以數千期辭代
卿雲陰堯年寶露滋蟬聯三秀燦蟠錯萬花蕤底用祥

編表還嗤壽牒披塗中思曳尾或亦似靈龜

題毛晃禹貢指南六韻

微禹其魚功不刊導川敷土下民安九州既奠爰分域四海會

同永宴瀾毛晃指南因有述文淵閣氏乃無端

宋史藝文志不載是書明

焦竑經籍志載禹貢指南一卷宋毛晃撰自為可據而朱彝尊經義考則云未見又云文淵閣書目有之不著撰人書目成於楊士奇與焦竑為同時不應書存而佚其姓名豈未加深考耶焦竑志籍傳名著朱子說

書取訓鑑千古根源率由溯諸家附會概祛謾獨於分野稱

星宿未識恢恢天道寬

史記天官書二十八舍主十二州注引星經如云角亢鄭之分野之類乃以二

十八宿主十二州分配無餘此外更當何屬夫天無不覆星
麗乎天亦當無不照今十二州皆中國之地豈中國之外不
在此路昭之內乎且其間有地少而星多亦有地多而星少
以天度地輿準之亦不均如井鬼為雍州陝西甘肅皆是其
道里之廣已非兩舍所能該而今拓地遠至伊犁葉爾羌喀
什噶爾較禹貢方隅幾倍蓰其地皆在甘肅以外將以雍州
兩星概之乎抑別有所分屬乎此又理之難通者蓋分野之
說本不足信而灾祥則更鄰於讖緯皆非正道見足編於山
水原委考證明當不泥諸儒附會之說故朱子書說蔡氏集
傳多用之獨惜其引春秋元命苞謂某星散為某州流為某
州並載及占驗與分野說雖不同而
意則相似猶不免於拘墟之見耳

題木鏤山水畫

六法古來惟畫師今看刀筆疊生奇淺深不藉紙墨染

高下宛分松栢披僮子抱琴若有待幽人倚檻那無思
設如漢詔相提論返樸艱哉祇愧之

詠六經

易

三易夏殷周互殊伏羲豈不先

去聲

唐虞有人斯有乾坤

理各蘊心中會得無

書

二帝三皇治俱在克明無逸訓堪聽寄言萬世為君者

一部應當作本經

詩

六義從來貫古今流為廿四襍難尋無邪一語挈領要
研練徒勞費綺吟

春秋

黜霸尊王義正淳年餘四百事傳真三家作傳有公穀
何獨邱明稱素臣

禮

尚忠尚敬尚斯文禮出於周撰述紛繁則不當簡寧可
伯夷寅直訓尊聞

樂

命夔教胄八音宣防過還因慮有偏後代許多讀書者

樂經何事獨無傳

六經之名見於經解樂與諸經並稱今樂記一篇惟附於禮記即司馬遷

作史記每言六經六籍而所著樂書闕而未備
褚少孫仍取樂記以補之蓋樂經之失傳久矣

題吳道子天龍八部中四部圖二首

唐代珠林蹟不多

唐人畫神佛像流傳至今者極少秘
殿珠林舊藏唐名人卷軸無多而真

蹟尤為
難造
半隣真耳半猶訛楞伽高足嘗先弄盧楞伽為道子高弟珠林

向藏其無量壽佛畫軸及應真畫冊並係真蹟而所收道子栴檀神像及文殊像寶損寶損如羅像雖有曾經作贊者似皆出於贗作此卷筆力古勁信為吳生神品今始得之名蹟遇合非偶固不在鑒賞之遲速耳

神此後羅論格名言聞趙郡卷中兼載跋云道子畫神妙自然使人喜愕世稱道子為

畫聖不如此不稱其名並言難易在工拙而工拙之中又有格馬畫雖工而格卑不害為庸品云云可為篤論識

真為記有清河明張丑著清河書畫舫載道子此卷定為真蹟並為記其源委杜惟詩聖

吳畫聖曾未留題理則那杜甫吳生遠擅場乃謂玄元廟波及之詞未曾題此卷故云

八部天龍祇四在卷後王澐跋云八部已魚爛其三諦審之不然惟前二坐像後二立像當為正

神餘時其眷屬耳張芸叟

題記可據詳見識語中

安家割裂賴張傳

書畫舫載宋子跋謂卷出

長安安氏張芸叟題記云其兄弟析產分而為二此特其半云云張丑亦從其說是此卷僅存其四在北宋已然矣

足驚旋復令生喜盡態因之故極妍坐立正神都赫奕趨

蹌眷屬總誠虔吉光漫惜惟片羽會見豐城或合全

齊宮疊去歲對雪詩韻

卓午同雲蔚以興滿期對雪昨年仍須臾散去原孤望
展轉看來未易徵也識春長期可待却緣澤歉悶先增

去歲歲端雖屢霑雪而近

京一帶被澤不過一二寸
肅齋

穹宇將承祀事切

祈農倍惕兢

題元人三陽開泰圖

百羣各取一名義實詮陽童子荷簞坐楊朱譬語良平
安傳竹信佳麗發梅芳開泰曾拈說益懷乾惕長

詠和闐玉茶碗

中碗材贏中爵加用非盛酒用盛茶調神真是有餘潤
比德更稱無點瑕漢史快心異玉局明廷裏典類瑯琊

御茶亦略類御殿賜茶例用之

和闐歲貢茲成例天寶龍光扛物華

甲午新正

祈穀前一日詣齋宮作

太和玉輦啓平明

乘大禮轎出宮至太和門鳴鐘鐘應午門

始發鯨西北諸蕃哈薩克排班跪送式儀程

石衙黃道直如弦市肆駢羅列兩邊百歲休和人樂利

皇都富麗故應然

辨香九探謁

皇乾

殿名

退即齋宮致潔虔積雪松根殊去歲

近覺望雪

顯祈

厚澤徧春田

祈穀禮成述事

咫尺

皇穹顧謏瞻元辰俶祀致精嚴

祈辛值酉留熟叶卜日為人來復占樂具金聲還玉振

腥陳一孰與三燭征番曲直惟

昭登奏凱顯希莫久淹

人日悅心殿

祈辛迴喜恰成人退以詢

安愛敬申依例茲辰徹宴樂

是日遇辰例不奏樂

忌

無妨應即

事遊巡正希瓊島春陰好已覺瑤軒淑氣閭曰此悅心
那易悅西川捷報望來頻

題慶霄樓

瓊島層樓號慶霄開韶節亦近元宵銀花火樹從無賞

上元節例於御園陳燈火宴外藩從未於此慶賞

燕貼寫猶近可招翰苑詞兼

規頌獻散屏意切雨暘調憑觀萬戶誠殷富曰教惟
慙化尚遙

蟠青室

山廊沿緣下書室名蟠青石壁包屋內復可攀以登其
實均位置遂有高卑形徒因歲月陳便似天然成久假
而不歸子興語義精

酣古堂詠古

堂中貯古書酣書因酣古酣古詎虛言殷鑒不遠夏

殷夏亦遙哉金元明近睹爾時萬歲山又曰瓊華島叶山
巔廣寒殿今已為宰堵擇勝或構築即因其柱礎坐堂
翻書篇寧不惕然懼叶懼堂思良方方在無逸所

寫妙石室

曲折玲瓏穿石洞洞窮書屋得來宜不須抽秘重言妙
室以無言寫盡之

盤嵐精舍

穿洞至石室復盤石磴下磴盡仍為洞進步寧當罷窈

窈既多致支撐若巧架咫尺幻景光出洞乃精舍迎面
圍千嵐全氣忘百化點筆吟徧得祇因值清暇

題古遺堂

金元遺蹟逮前明攬結無端興感情介福延和

皆殿名那

有寶玉虹金露

皆亭名

祇餘名

見王綬北京八景圖識語

蒼山淡淡雲

將吐古樹蕭蕭葉未生小坐虛堂撫芸帙詩書義示不
重評

抱沖室

冲為深亦復為虛生白因知室比如設喻臨民及莅政
滿盈是戒足箴予

題道寧齋

屈折迴廊轉齋從屋裏通縹緗霏古馥窓牖烘去聲春融
益志玩周易名言憶召公初韶何以識梅蕊漸含紅

看畫廊口號

山廊高下步嶮嶽突兀喬柯葉未森今日展看是誰畫
李成一幅小寒林

漪瀾臺

溪堂俯液池漪瀾名以此元冰尚未酥鏡光平似砥便有微風作安得縠紋起漫嫌艱副名害不思其理何寒弗為暖何冰弗為水試看凝沍間有波在其裏

坐冰牀至鏡清齋因題句

行水惟舟行陸輿於冰二者總成虛嘉茲適用他難駕亦曰乘時功可居遂至清齋在壺似仍憑鏡沼譬手奩如春屏春帖黏人日頌有規焉足啓予

焙茶塢

縵轉迴廊取勢斜
兩間撲屋名焙茶
非其時亦擎茶碗
中人例事勤周遮
一盆古梅初放蕊
復有勝屏裝綵綺
或云假冗不若真
笑指鑪甌奚異此

畫舫齋偶詠

冰泛舫艱用斯齋
鎮斯舫浮實若浮
虛宜必資波浪懸
鐙曾未燃綴勝乃
偶向小坐不逾刻
去亦弗迴望似茲
何藉茲自笑誠無
狀

古柯庭

虛庭楠蠹聳喬枝一例千林未葉時
恰似江州褚與孟
不須物色望而知

與曠室

於奧兼致曠所欣斯室兼假山藏徑路真樹避楣檐境
與目為永情將景共恬無僧可攜至攜則論華嚴

重華宮茶宴廷臣及內廷翰林用四庫全書聯句

復得詩二首

四庫輯書煥東壁七言聯句聚西清台衡乙乙都抽思

檢校彬彬亦署名

四庫全書總裁既令概與吟宴并其總校之翰林三人亦令至重華宮入

宴和韻

日穀恰欣逢任養

是日壬戌任養于壬更符八穀祥占

月干更適建

文明

正月建丙寅明炳于丙文明之象也

漫言嘉會斯和樂心在金川願

洗兵

瑯嬛秘籍歷增多從事調言覺太過

瑯嬛記載張華嘗為建安從事遊於

洞宮遇一人於蓬閣華曰君讀書幾何華曰華之未讀者二十年内書蓋有之若二十外固已盡讀之矣因共至一處大石中忽有門引入一室陳書滿架其人曰此歷代史也又一室曰萬國志也惟一室封識甚嚴

有二犬守之曰此玉京諸秘籍二犬龍也華厯觀諸室書皆漢以前事多所未聞者華欲僨住數十日其人曰此瑯嬛福地豈可貸耶云云古今書籍即在人間者豈能讀遍華所言未免過誇不必石室秘藏始足證其妄

也史乘書倉屏忌諱

初下採訪遺書之旨應者寥寥意必督撫中疑有忌諱干礙字面預

存寧畧世濫之見以致觀望不前因復諭各省以既下詔訪求遺籍豈有尋摘瑕疵罪及收藏家之理令各明切曉諭釋其疑畏於是稗官稊識概蒐羅要拈摘藻先

天下之書皆踴躍呈獻

御花園摘藻堂中本就大內所有書籍分四庫貯之曾有詩云芸篇野萬卷牙籤分四部云云茲命

于敏中王際華於全書中擇其尤精者別為典數上聲開

元廣勘磨著作酬他業勤肆施行愧我政如何

彙輯四庫全書聯句

有序

月建炳明車軌正同於斯世運承熙洽圖書宜盛
於今時申十行而蒐訪維勤勿使名山終秘備四
庫而網羅殆遍所欣積簡紛來雖成編尚待以歲
年繫聯句可徵其事實溯自丹綸既沛玉署初開
永樂大典猶存芟汰之而菁華斯擷羣玉珍函富
有點檢焉而寶氣常新矧岳牧皆因達情以陳即
簪紳亦願抒誠為獻於是浩如煙海委若邱山匪

示所歸曷尋其緒詔翰林使分校漫辭矻矻窮年
掄大臣俾總司期在多多益辦疇堪壽世流傳先
付雕梨孰稱鈔胥採擇還資擘繭其或羲娥並撫
許略標中壘之題縱嗤曹鄴無識亦附著華林之
錄焚膏典勘下逮諸曹給札分謄兼徵多士縉紳
部別儲東觀而廣集其全紙墨工同列壯堂而并
蒼其要第是讎譏掃葉冀不愆三寫訛形並教積
識還珠庶無貽一癡譌語迺命發厥篋笥披彼華

腴入胷山俾盡拔其尤呈乙覽得遍觀其妙五七
字吟覘源本亦云尊所聞焉百千家流判淄澠惟
曰識其大者爾迺豐占綏屢曲過

祈禋涓八穀之良辰展重華之曲宴堂廉情洽分黎聯
四七星躔館局題探授簡及二三儒席涵泳乎經
史子集詞貴得宗排斤夫月露風雲體毋涉靡尚
論千載以上仍此勅幾典學之深心嘉惠萬世而
遙初非好大誇多之創舉撫茲貞元迭啓際開甲

而象愈光昌詎惟音韻偶拈叶由庚而詠徒舞蹈
已哉

御製重熙累洽萬年清蒙業承庥戒滿盈爰以右文期鑑

古

欣茲嘉會集聯賡穀辰典洽初筵啓芸籍題拈大

雅鏗先布

十行羅閱笈

乾隆辛卯壬辰
集天下遺書

臣舒赫德
詔訪

分標四庫

錫嘉名

輯書之始即以嘉名為請
命以四庫全書名之

開元部度徵輪輅

書分

經史子集四部
始于唐開元時
永樂編儲

命校衡

翰林院貯有永樂大典中多世不經見之書
特命內廷大學士等為總裁揀選翰林分司

校擇以備金
匱石室之儲
流樛緇黃嚴別擇
臣于
塗清黑白慎

縱橫

原書純駁混淆道經釋典悉
行闡入
特命槩從芟削
韻從鈇裂紛轆

轆

原書依洪武正韻編
排遂致即次淆亂
玉伴鱗排準式程
永樂大
典每十

冊為一函計一千一百餘函翰
林三十人勻派分閱按日程功
咸受節焉

示之鵠

擇其中書之完善者先彙目進呈
擇取披覽
示以去取權衡焉
臣程景伊

渙乘萃者掇其菁

諸書之散見各韻者並
為條採彙編俾復成完本
輶軒

啟櫝遯珠獻

各省大吏蒐集所屬遺書彙送京師

輦轂懷鉛效藿傾

都下藏書之家及四方仕官于朝者咸以書獻人思甄錄為幸

什襲

盡歸羣玉府

臣福隆安

御製

紛綸如合五侯鯖建封寧鮮東海客植杖應來太乙

精星看璇霄煥奎壁

地當冰署敞蓬瀛

就翰林院署設局編纂

局咨長貳綱都綜

廳判東西力衆擎

校勘永樂大典者於原心亭列席校勘遺書者於寶善亭列席

簡逮宿郎尤間拔

部曹及國子官屬亦有選預纂脩遺書者

徵

惟髦士彙連征

在籍進士舉人徵預分校者五人

傳餐共飫庖廚

給

分校各員

特命

促坐無虞寒暑櫻

並於歲夏頌冰

隆冬長短景勤珍晷漏

臣蔡新

上中品具析璿璣

各書

中是非不軌於正者

梨雕琅簡綿留琰

繕錄各種書籍

特命俱詳加甄別

內有闕學術經濟者咸付剞劂用廣流傳於世

松染瑤箋貴列誠

凡書佳者

志為繕錄彙列四庫

刊目附錄桃俎豆

次則標存名目附別於書末臣英廉

吹毛苛訐覆瓿鉤元要使裘端挈

每書撮舉大旨詳於簡端

絀詭毋令莠害耕

凡書之不經及偽託者概從擯斥

美婉集狐純

以麗臣觀保

御製文規全豹蔚乎彌藏頒大內

四朝貯秘選名山二酉英綈凡還親乙夜勘

縹囊取次甲籤呈

凡應刊應鈔者次第呈請

睿裁界絲給札趨

丹掖削穎工鈔課辟蠶

書篇仿永樂大典式印界紅關選舉貢監生字畫端楷者就武英殿書局分領繕寫

廣殿亞籤連

御苑

臣張若淮

仙莊充棟接

陪京

全書告成時
避暑山莊

大內圓明園
各貯一部

特甄鴻寶璫

摘藻妙識虹光蘊采瓊

於全書內擇其精醇先
為薈要繕貯摘藻堂

番直石

渠天祿近

即以

武英殿纂修翰林

曹秀先

叨掄槐市藥

階并

選派中書助教等官
司全書覆校分校事

磔波未遣魯魚溷斷爛

仍釐羽蠹更

舊時刊本間有訛
缺並為訂正補完

或合或分詳且審

每分校二頁設覆校一頁重加磨
勘俾稽覈益為精審臣倪承寬

孰功孰過別還

精

校對各負就其校
書疎密分記功過

印參活字麻沙替

應行刊刻
之書甚多

仿宋人活字板法刻成單字排
印用力少而成功速流傳更易
斷用堅材篋行盛

書臣每以漿氣致靈
易以未匣用垂永久
撰志浩幾江海匯

臣梁國治

御製立言炳若日星
晶尼山刑定開宗
旨炎代蒐求多註

評經貫史分逮子集

利而貞也本元亨

四庫分編猶四德之分
列自然相合缺一不可

折衷鑒稟

神毫正

弁詠褒逾華衮榮

永樂大典內所纂出之書及諸臣所
進遺編有闕世教者皆蒙
親灑

宸翰題詩簡
端日積日富

竅鑿陰隲滋亶亶

右乾坤鑿度
義超軌革
臣莊存與

總生

右易校周易總義

箕疇範叙譏捫籥

右宋仁宗洪範政鑒

禹

旬曜差量少絃

右毛晃禹貢指南

缺待補遺供撥拾

右傳寅禹

貢說斷臣奉寬

詳遵返約斥詿譴

右陳經尚書詳解

邦衡合誦

祛疑卓

右蕭楚春秋辨疑

介甫虛慚索解閱

右孫覺春秋經解

譜

謾區田誇井井

右夏休周禮井田諸臣袁守伺

談惟畫紙泥硯

硯

御製詩註謂夏休此書泥古而不通於今徒為紙上空談

研摩隘黠拘文

陋同異斷芟聚訟爭會溯龍圖演天一

臣謝肅

御製

誰傳麟筆記春正降

去聲

王三代已艱企得統千秋未

易明大義畧存新輯覽

長編遠軼宋治平

司馬光資治通鑑成於宋治平中

繫年起例欽

申闡保宇思艱凜締營

欽定詳鑑開要於紀年繫統立法垂戒至為正大

燕

幕偷安羞越絕

右南宋都城紀勝錄臣李友棠

鴻溝劃險笑吳

儉

右李舜臣江東十鑑

失謀應咎開門揖

右慶元黨禁

曲譽徒矜

半壁撐

右宋中興聖政草及兩朝綱目備要

小邑支吾屢伏弩

右陳規守

城錄臣

良辰接伴詡張棚

右倪思重明節館伴語錄

呂刑禁弛

邦中典

右至正條格

郢說愚牽運五行

右大金德運圖說

識正

閏嘉習鑿齒

魏非正統之說發於習鑿齒
本傳具載其論
汪永錫

浮夸薄左邱盲汰嫌稗乘箕揚粃

小說家誣誕最
多志從節取

披備蘭臺璞出瑛司馬世官沿自漢

臣錢
大昕

御幣熊著述肇於荆申韓祇以刑名失莊老惟因荒誕

輕自一家言難盡棄

兼三才術信堪鳴鶚冠援道師和友

右鶚
冠子

臯座含

醇弟遜兄

右李心傳
道命錄

鄭縣綬譚騰舌創

右趙繼長
短經

毛輝

婺州哀帙

服膺誠

右唐仲友帝王經世圖譜

燕丹名殆妄庸托

大史內燕丹子三篇蒙指

出後人湊集不必鈔存

陶令心何羣輔縈

輔錄必非陶潛所上以聖賢羣

著令駁正

稷下辨須持鯁汲

臣胡高望

虞初幻只望洋

驚擅場餘事岐雕虎跋浪雄篇賞掣鯨藝圃等身

森疊珏

謂諸家別集目董誥

選樓裁體聚芳衡

謂總集見學

窺管卑之甚

穆修集魏武廟記所見甚早

學躡尋條

後矣瞠杼袖各成機上段

臣李汪度

御製

陶鎔不廢鐵中錚漢文晉賦誠高蹈唐律宋詞遞下

聲濂洛閩閩能繼絕

王楊盧駱狎齊盟繕陳榬篋論年裕價第琮璜積

萬羸亘古憲章遵

典誥

五朝寶訓

御纂羣經

殊批

諭旨諸書並令恭錄編次永垂

道法臣

童鳳

三

經天制作首咸莖

聖祖

皇上御製詩文各集並恭錄以

世宗御製文集

冠集部

遭時幸預窺青簡荷

寵羣欣振紫纓

總纂臣紀昀蒙

恩由編修郎陸侍

異數其餘諸臣通
格邀恩者甚衆

內府

賚均霑省闈

臣昀等查總校臣陸費輝三員年節並拜恩賞與內廷翰林同 臣紀昀

左廂班許邁公卿

並之內燕與 命聯句入二十八人授重華宮茶宴

觚彌愧依重席抱槩恒思映短檠管蕊露釀蘭葉

展

目陸錫熊

墨馨風暝菜花迎

是日雨水

裝儲列昉宜分彩

經父子集以青赤白黑四色分別裝潢

吟繼鐫華逸奏韻

上年以重刻淳化閣帖頒賜羣臣聯句

博極待看收

插架

臣陸貴輝

御好

去聲

同詎肯奪貽籙

內外獻到書籍皆鈐以翰林院印俟書局告竣仍給還其家並

酌予題詠以旌勤學俾世守珍藏益增藝林佳話

宋編明典異深意

相傳宋太宗殘位後

恐世人識其慙德因集海內能文者編輯太平廣記太平御覽文苑英華三大書欲以戒其力而補其口而永樂亦以得位不正因集文人為大典以彌草野私議然千秋公論自在宣區區智術所能掩覆若今所輯四庫全書惟在蒐羅遺佚以廣流傳為萬世書林津逮用意固不同耳

學海書淵遊六情逢

會畧嫌遲歲月

凡舉大事必有時節因緣朕即位三十餘年始思及四庫全書之輯嫌為時畧

遲就將惟疊願觀成

矣

題董邦達摹古人物冊

卧雪

大雪干人實不宜
樊廬偃卧自怡夷
立朝侃侃還權勢
浩氣養從耐冷時

看竹

竟造溪邊看綠筠
此君端合結嘉賓
興來且住興盡返
却喜不逢家主人

觀瀑

偏幡雪瀑兩巖間
攜客欣觀一日閒
試問圖中人姓氏
遊應康樂石門山

聽松

盤陀偃坐聽颼颼
落落長松六月秋
佳話似嫌人說慣
別開生面不須樓

觴月

七字高懷今古人
舉觴邀月問諄諄
如何獨倚喬松坐
未向邊傍置賈淳

品泉

甲乙惟憑輕重權竈鑑置側便烹煎笑伊揚子稱第一

未識玉泉第一泉

晉陸羽品泉以廬山谷簾為第一惠山為第二而劉伯藹則以揚子江水

為第一嘗製銀斗較之京師玉泉斗重一兩揚子金山泉較重三釐惠山泉較重四釐則谷簾亦大槩可知此蓋南人享帚之論未嘗品及玉泉因定玉泉為天下第一泉詳見記中

拜石

正笏垂紳儼若朝身雖拘束意逍遙介如非此醉道士
未易顛翁輕折腰

洗桐

愛潔本因性耽懶餅澆桐乳命僮胥涉園見此猗猗者

倪瓚獅子林今為黃氏
涉園南巡曾三至其地靜影猶懷三沐餘

詠陶器獸環壺

河畔陶成甕器存用當杯飲佐汙尊有虞繭缶此佳友
炎漢獸壺其遠孫色澤由來華所斤質渾惟是古相敦宋
窑明治邇增麗埏埴可知斯本源

題陳經尚書詳解六韻

帝王行事具心中

繫括經發題語

挈要一言迴鮮同數上聲彼

專通難俚指得茲詳解足治平聲躬卷成五十能探奧書

秘半千未發蒙

經南宋淳熙間進士連今五百餘年矣

大典闕收誠惜漏

休陽復購可稱功

休陽汪森于康熙乙卯年泛舟濮川見人嚮舊籍於市盡數購歸中有抄

白本乃尚書詳解也續檢合五十龍新興教化為根本溪

縣志經為新興令改德清專以教化為首務

古壁精微與擴充詩義雲烟誰

過眼森跋云經者述更有毛詩講義是森所藏亦無此種或竟散佚無存或復有收輯之者皆未可知也

珍斯片羽願研窮

詠和闐玉雲龍甕六韻

巨質和闐貢良材作甕堪雲容垂碧落龍德出深潭從
類竒文觀應聲精蹟探僧繇畫超絕韓愈說包含那有
堯年露非無園客蠶遐球如近賦屢獲以為慙

題南宋兩朝綱目備要二首一韻

侂冑家奴抵罪宜禁軍何致似興師

書載收侂冑時命殿前司中軍統制

夏震選兵三百防護別選兵二百守其府門夫侂冑雖
竊權實臣分耳有罪執而誅之不過擒治家奴其事甚
易何致多煩禁深謀爾日出彌遠月落還如星替之

除侂

胄之議建於史彌遠迨彌遠柄政其擅權用事專任僉士奸惡幾與侂胄無異何不鑒其覆轍耶

孟浪挑金固匪宜幸和可忘詰戎師西山豈啻工章句

一疏興哀實繫之

真德秀論和議大畧云為國者當示人以難犯之意不可示人以易窺之

形況彼之待我者方驕我之恃和者大重恐盟好既成志氣愈惰宴安鴟毒之禍作彼乘我不備以長其謀將無以應願以通和講好為權宜以修德行仁為實務蒐討軍實中倣邊防如是而國勢不張外虞不弭者未之有也德秀此疏於安危盛衰之故實能切中豈徒講學工文已哉

題木刻三益屏

益者嘗聞友有三品掄植類孰稱堪松貞竹節梅傳信

鉞古葉疎花帶鰲何必石泉資點綴相於雪月適清酣
是誰刀寫為合相不朽屏中一指參

題惲壽平山水畫冊

高染橫巒低護涇香盈春宇雪盈庭恰如鄧尉山頭望
遙剩洞庭雨點青

右萬橫香雪即用其韻

我實年年秋駐避暑莊山莊有山亦有水固知四時無
不佳而其最佳為秋耳千林絢綵高復低倒影湖中黃

間紫極望祇見銀浪翻遙岸繡幘刺誰指心知其妙未能圖遠岫秋林今見此先得我心之同然彼何人哉南田子

右秋林遠岫

別傳益友弗朝陽湖石庭軒月色涼看去精神真似董
借來臨仿乃因王

壽平自識云董文敏有圖為婁東王氏所藏余曾借臨此幘即得其意

癡僮未解烹茶鼎瘦鶴孤鳴立石牀試問主人乍何往
獨教芸簡照清光

右三梧月色

初看疑是米

蒂

細玩悟摹高

敬彦

變幻煙雲狀神奇筆墨

操演濛村屋辨突兀夏山韜津逮大姚法

見壽平自誠語

不羈

意自豪

右夏山煙雨

下榻白雲樓伊何石谷子

二語用壽平藏語

賢主會佳賓良夜

清無比萬里水涵空一輪月如水同是箇中人未宜孤

負此寫景聊因王賦色原由已

壽平識云石谷作此景余藏為賦色以誌一時

趣興

合巘成雙絕超塵鮮並美獨弄舟者誰仍欲其心洗

右萬里清光

側岸柳眠高下淺灘石露兩三莫謂斷橋難渡攀枝踏
步猶堪

右斷橋卧柳

豈因近得益州書倚杖人渾逸少如

用王羲之
印竹杖事

秋水長

天不計里望中飛興過猶餘

右溪山曳杖即用其韻

渭川淇澳然疑幽人小立依遲子猷無過愛耳淵明乃
可似之勁節幾曾腰折清風常得身披最意雲棲寺路
劉筍其下春時

右清風勁節

科頭箕踞背峻嶒天際潮來一攬憑怒鼓神奇無目駭

淨湔厓略有波興能識妙者此石谷

是慎右王
帶題語

弗藉言

哉彼枚乘

右觀潮圖

法撫王家畫景傳柳氏詩寒江魚不餌此事每相疑南方

水雖不凍網魚或可垂釣必待魚食餌北方過霜降
節魚即不食餌如何可釣豈南方魚異北方魚乎

右溪山漁雪

御製詩四集卷十七